

本草崇原集說

印刷品

福建中医学院图书馆

地址：福州市模兜

崇原紫蘇氣味辛溫。臭香色紫。其子主利小便。消水
陽。天日晦明之氣。天氣下降。故而不走。洩正氣。故
殺穀。殺穀則能除飲食。除消除也。味辛臭香。故辟
口臭。辟口臭則能去邪毒。去邪毒則能辟惡氣。久
服則天日光明。故通神明。天氣下降。則地氣上升。
故輕身耐老。愚按紫蘇配杏子。主利小便。消水
腫。解肌表。定喘逆。與麻黃同功。而不走洩正氣。故
本經言久服通神明。輕身耐老。列於上品。

經讀

紫蘇氣微溫。稟天之春氣而入肝。味辛得地之
金味而入肺。主下氣者。肺行其治節之令也。殺穀

本草綱目卷之三
除飲食者。氣溫達肝。肝疎暢而脾亦健運也。辟口
臭。去邪毒。辟惡氣者。辛中帶香。香爲天地之正氣。
香能勝臭。卽能解毒。卽能勝邪也。久服則氣爽神
清。故通神明。輕身耐老。其子下氣尤速。其梗下氣
寬脹。治噎膈反胃。止心痛。旁小枝通十二經關竅
脈絡。

類辯

百合花晝開夜合。紫蘇葉朝挺暮垂。因悟草木

之性。感天地陰陽之氣而爲開闔者也。如春生夏
長。秋成冬殞。四時之開闔也。晝開夜闔。朝出暮入。
一日之開闔也。是以一歲之中有四時。一日之中

此言絡脈之血
非經血也藥性
不明藥固不可
妄用病情不辨
藥尤不可妄用

有四時。而人物應之。蘇葉紫赤。枝莖空通。其氣朝
出暮入。有如經脈之氣。晝行於陽。夜行於陰。是以
蘇葉能發表汗者。血液之汗也。

白走氣分
赤走血分

枝莖能

通血脈。故易思蘭先生常用蘇莖通十二經之關
竅。治咽膈飽悶。通大小便。止下利赤白。予亦常用
香蘇細莖。不切斷。治反胃膈食。吐血下血。多奏奇
功。蓋食氣入胃。散精於肝。濁氣歸心。肝主血而心
主脈。血脈疎通。則食飲自化。經云陽絡傷則吐血。
陰絡傷則下血。通其絡。脈使血有所歸。則吐下自
止。夫茜草歸芎之類。皆能引血歸經。然不若紫蘇

藥水不可妄用
寒用熱藥不轉
不即藥固不何
非熱血也藥料
此言熱血之血

晝出夜入之行速耳。於戲。陰陽開闔。天地之道也。
進乎技矣。○仲氏曰。紫蘇能化水穀之氣。引陽入
陰。昔有二症。羣醫束手。一患不寐。脩園治以紫蘇。
百合。棗仁。茯神。龍骨。牡蠣等味。始安。蘇省一貴官。
患癰閉。招士宗赴診。方用紫蘇。杏仁。防風各一兩。
以代麻黃。至夜膀胱氣化。小便大利。乃知二症有
宜於紫蘇者。崇原先爲補出矣。惟麻黃實無他藥
可代。詳見中品。

蘇子。氣味辛溫。無毒。主下氣。除寒。溫中。

○別錄附

蘇枝。氣味辛平。無毒。主寬中行氣。消飲食。化痰涎。治

新最出膏澤自
其五入其味
其味干味本
其以愚獨其
陳師附序意冒
雷澤雷雷公賦

噎膈反胃止心腹痛通十二經關竅脈絡新增。附。枝蘇

是莖上傍枝
非老梗也

橘皮氣味苦辛溫無毒主治胸中癥熱逆氣利水穀

久服去臭下氣通神橘生江南及山南山谷今江浙
荆襄湖嶺皆有枝多堅刺葉色

青翠經冬不凋結實青圓秋冬始熟或
黃或赤其臭辛香肉味酸甜皮兼辛苦

崇橘實形圓色黃臭香肉甘脾之果也其皮氣味

苦辛性主溫散筋膜似絡脈皮形若肌肉宗眼如

毛孔乃從脾胃之大絡而外出於肌肉毛孔之藥

也胸中癥熱逆氣者謂胃上郭郭之間濁氣留聚

則假氣成形而為癥熱逆氣之病橘皮能達胃絡

雷斅著雷公炮製確係有意冒名以愚後世非比張子和本名從正人疑其爲仲景也冒者自

之氣出於肌腠。故胸中之痰熱逆氣可治也。利水穀者。水穀入胃。藉脾氣之散精。橘皮能達脾絡之氣。上通於胃。故水穀可利也。久服去臭者。去中焦腐穢之臭氣。而肅清脾胃也。下氣通神者。下肺主之氣。通心主之神。橘皮氣味辛苦。辛入肺而苦入心也。愚按上古諸方。止曰橘皮。箇用不切。並無去白之說。李東垣不參經義。不體物性。承雷斅炮製。謂留白則理皮健胃。去白則消痰止嗽。後人習以爲法。每用橘紅治虛勞咳嗽。夫咳嗽非止肺病。有肝氣上逆而咳嗽者。有胃氣壅滯而咳嗽者。有

冒之最可羞疑
者人疑之何足
怪

腎氣奔迫而欬嗽者。有心火上炎而欬嗽者。有皮
毛閉拒而欬嗽者。有脾肺不和而欬嗽者。經云。五
藏六府。皆令人欬。非獨肺也。橘皮裏有筋膜。外黃
內白。其味先甘後辛。其性從絡脉而外達于肌肉。
毛孔以之治。欬有從內達外之義。若去其白。其味
但辛。止行皮毛風寒。欬嗽似乎相宜。虛勞不足。益
辛散矣。後人襲方書糟粕。不窮物性本原。無怪以
訛傳訛而莫之止。須知雷斅乃宋人。非黃帝時雷
公也。業醫者當以上古方製爲準繩。如金匱要畧。
用橘皮湯治乾嘔噦。義可知矣。日華子謂橘瓢上

氣溫入肝性相
近也肺脾喜溫
情相投也肝主
疏泄脾主散精
橘皮皆適於用
然此物形體實
達脾胃絡氣崇
原之解最確脩
園特引而伸之

筋膜治口渴吐酒煎湯飲甚效以其能行胸中之
飲而行于皮膚也夫橘皮從內達外凡汗多裏虛
陽氣外浮者宜禁用之

經讀橘皮氣溫稟春氣而入肝味苦入心味辛入肺

胸中爲肺之部位唯其入肺所以主胸中之癰熱

逆氣疏泄爲肝之專長唯其入肝所以能利水穀

心爲君主之官唯其入心則君火明而濁陰之臭

氣自去又推其所以得效之神者皆其下氣之功

也總結上三句古人多誤解又曰橘皮筋膜似脉

絡皮形似肌膚宗眼似毛孔人之傷風欬嗽不外

肺經肺主皮毛。風之傷人。先入皮毛。次入經絡而漸深。治以橘皮之苦以降氣。辛以發散。俾從脾胃之大絡轉于肌肉毛孔之外。微微從汗而解也。若削去筋膜。只留外皮。名曰橘紅。意欲解肌止嗽。不知汗本由內而外。雷斅去白留白之分。東垣因之。何不通之甚也。

青橘皮。氣味苦辛溫。無毒。主治氣滯下食。破積結及

膈氣。

圖經本草附

橘核。氣味苦平。無毒。主治腎疰腰痛。膀胱氣痛。腎冷。

日華本草附

橘葉氣味苦平無毒。主導胸膈逆氣，入厥陰，行肝氣。

消腫散毒，乳癰脇痛，用之行經。本草衍義補遺。附。

辛夷氣味辛溫，無毒。主治五藏身體寒熱，風頭腦痛。

面黥久服，下氣輕身，明目增年耐老。辛夷始出漢中魏興梁州川谷

今近道處處有之。人家園亭亦多種植，樹高丈餘。花先葉後，葉苞有茸毛。花開白色者名玉蘭，謂花色如玉，花香如蘭也。紅紫色者名木筆，謂花苞尖長儼然如筆也。入藥紅白皆用，取含苞未開者收之。

崇原辛夷味辛臭香，苞毛花白。稟陽明土金之氣，化

陽明者土也。五藏之所歸也。故主治五藏不和而

為身體之寒熱。陽明者金也。金能制風，故主治風

淫頭腦之痛。陽明之氣有餘。則面生光。故治面黧。黧。黑色也。經云。陽明者胃脉也。其氣下行。故久服下氣。土氣和平。故輕身。金水相生。故明目。下氣輕身。明目。則增年耐老。

木香。氣味辛溫。無毒。主治邪氣。辟毒疫溫鬼。強志。主

淋露。久服。不夢寤。魘寐。

木香始出永昌山谷。今皆從外國舶上來。昔人謂之青木。

香。後人呼馬兜鈴根為青木香。改呼此為廣木香。以別之。三洞珠囊云。五香者。木香也。一株五根。一

莖五枝。一枝五葉。葉間五節。故又名五香。根條左旋。采得二十九日。方硬。形如枯骨。燒之能上徹九

天。以味苦粘牙者為真。一種番白芷。偽充。木香皮帶黑而臭腥。不可不辨。

崇木香。其臭香。其數五。氣味辛溫。上徹九天。稟手

本經木香至此
纔得真解

古人一物一名
無不詳審如此

足太陰天地之氣化主交感天地之氣上下相通
治邪氣者地氣四散也辟毒疫溫鬼者天氣光明
也強志者天一生水水生則腎志強主淋露者地
氣上騰氣騰則淋露降天地交感則陰陽和開闔
利故久服不夢寤寤寐夢寤者寤中之夢魘寐者
寐中之魘也

真傳木香本經名五香五者土也採根陰乾一月方
枯人身經血一月一週肝木主之故曰木

續斷氣味苦微溫無毒主治傷寒補不足金瘡癰瘍
折跌續筋骨婦人乳難久服益氣力

續斷始出常山
山谷今所在山

內因外因不內
外因此三因皆
雜病也雜病方
治散見金匱要
畧若時書方治
甚繁未必盡驗
惟千金外臺猶
有先民遺法均
可參觀

此以氣化釋病
因之治

谷皆有而以川蜀者爲勝三月生苗四月開花紅
白色或紫色似益母草花根色赤黃晒乾則黑
崇續斷氣味苦溫根色赤黃晒乾微黑折有烟塵
原稟少陰陽明火土之氣化而治經脉三因之證主
治傷寒者經脉虛而寒邪侵入爲外因之證也補
不足者調養經脉之不足爲裏虛內因之證也金
瘡者金傷成瘡爲不內外因之證也經脉受邪爲
癰爲瘍亦外因也折跌而筋骨欲續亦不內外因
也婦人經脉不足而乳難亦裏虛內因也續斷稟
火土之氣而治經脉三因之證者如此久服則火
氣盛故益氣土氣盛故益力也

此以形象明治
療之驗
續斷以形爲治
以治得名用之
者皆能言之特
未知爲火土之
氣化耳

經參百種錄此以形爲治。續斷有肉有筋。如人筋

在肉中之象。而色帶紫帶黑。爲肝腎之象。氣味苦

溫。爲少陰陽明火土之氣化。故寒傷於經絡而能

散之。癰瘍結於經絡而能療之。折跌筋骨有傷而

能補不足。續其斷絕。以及婦人乳難而能通其滯

而爲乳。久服益氣力者。亦強筋壯骨之功也。

蒺藜氣味苦溫無毒。主治惡血。破癥癥積聚。喉痺。乳

難。久服。長肌肉。明目。輕身。蒺藜始出馮翊平澤或道旁今西北地皆有春時布

地蔓生細葉入夏作碎小黃花秋深結實狀如菱

米三角四刺其色黃白實內有仁此刺蒺藜也爾

雅名茨詩言牆有茨者是也又同州沙苑一種生

於牧馬草地上亦蔓生布地莖間密布細刺七月

本經祇有刺蒺藜沙苑者別是
一種乃後人所
增士宗曰此物

開花黃紫色九月結實作蒺藜長寸許內子如脂麻
綠色狀如羊腎味甘微腥今人謂之沙苑蒺藜卽
白蒺藜也今市肆中以蒺藜爲白蒺藜白
蒺藜爲沙苑蒺藜古今名稱互異從俗可也

崇原蒺藜子堅勁有刺稟陽明之金氣氣味苦溫則

屬於火經云兩火合并故爲陽明是陽明稟火氣
而屬金也金能平木故主治肝木所癢之惡血破

腸胃郭郭之癥瘕積聚陰陽交結之喉痺陽明胃

土之乳難皆以其稟銳利之質而攻伐之力也久

服則陽明土氣盛故長肌肉金水相生故明目長

肌肉故輕身沙苑蒺藜生於沙地形如羊腎主

補腎益精治腰痛虛損小便遺瀝所以然者味甘

微有腥氣從腎
達肝

經讀云舊本列
爲中品今從崇
原

帶腥稟陽明土金之氣土生金而金生水也。

桑根白皮氣味甘寒無毒主治傷中五勞六極羸瘦

崩中絕脈補虛益氣綱目誤書中品夫桑上之寄生得列上品豈桑反在中品也今

改入。桑處處有之而江浙獨盛二月發葉深
上品。秋黃隕四月樵熟其色赤黑味甘性溫

崇原桑名白桑落葉後望之枝幹皆白根皮作紙潔

白而綿蠶食桑精吐絲如銀蓋得陽明金精之氣。

陽明屬金而兼土故味甘陽明主燥而金氣微寒。

故氣寒主治傷中續經脈也五勞志勞思勞煩勞

憂勞悲勞也六極氣極血極筋極骨極肌極精極

也羸瘦者肌肉消滅崩中者血液下注脈絕者脈